

IX тарау. Термодинамика

§ 9.1 Термодинамиканың бірінші заны.

Жылу сыйымдылықтары

Термодинамиканың статистикалық физикадан айырмашылығы нақты әрбір молекулаларды (атомдарды) қарастырмайды. Тәжірибелерден алғынған нәтижелер негізінде термодинамиканың заңдарына (бастамаларына) тұжырымдама жасалынған. Термодинамиканың заңдары және одан шығатын салдар макроскопиялық жолмен энергияның түрленуіне, өте көп бөлшектерден тұратын жүйелерде өтетін физикалық құбылыстарға тікелей қолданылады. Термодинамикалық әдіспен газдарда, сұйықтарда, қатты денелерде өтетін үрдіс зерттеледі. Бұл әдіс химия, биология және көптеген техникалық ғылымдарда жиі пайдаланылады.

Термодинамика макроскопиялық параметрлермен сипатталатын материалдық денелердің қасиеттері мен онда өтетін құбылыстарды үш заңға (бастамаға) сүйеніп зерттейді. Жүйенің күйін сипаттайтын термодинамикалық заңдардың математикалық аппараты дифференциялдық теңдеулер теориясы мен дербес туындылы тендеулерге негізделген.

Кез келген күйдегі термодинамикалық жүйенің қандай да бір толық энергиясы E бар. Толық энергия жүйенің механикалық қозғалысының кинетикалық энергиясынан, жүйенің сыртқы күштер өрісінде (гравитациялық, электрлік және магниттік) орналасуына тәуелді потенциалдық энергиядан, жүйенің ішкі күйіне тәуелді ішкі U энергиядан тұрады. Біз сыртқы өріс әсер етпейтін қозғалмайтын макроскопиялық жүйелерді қарастырамыз. Мұндай жүйелерде толық энергия мен ішкі энергияның мәндері сәйкес келеді. Жүйедегі ішкі энергияның құрамына қозғалыстағы және бөлшектердің (молекулалар, атомдар, иондар, т.б.) өзара әсерлесу энергиялары кіреді. Мысалы, газтәріздес дененің ішкі энергиясы төмендегі энергиялардан тұрады:

- молекулалардың хаосты ілгерілемелі және айналмалы қозғалыстағы кинетикалық энергиялары;
- атомдар мен молекулалар тербелістерінің кинетикалық және потенциалдық энергиялары;
- молекулааралық әсерлесу күштерінен туындастырын потенциалдық энергия;
- атомдар мен иондардың электрондық қабаттарының энергиясы;
- атомдардың ядроларындағы бөлшектердің (нуклондар) қозғалыстары мен әсерлерінен туындастырын энергия.

Ішкі энергия жүйенің термодинамикалық күйінің бірмәнділік функциясы болып табылады. Қандай да бір таңдал алынған күйде оның мәні жүйе осы күйге қалай келгендейгіне тәуелсіз. Басқаша айтқанда жүйе 1

күйден 2 күйге өткенде ішкі энергияның өзгерісі өту үрдісінің түріне байланысты болмайды.

Егер қандай да бір үрдістің нәтижесінде жүйе бастапқы күйіне оралса, оның ішкі энергиясының толық өзгерісі нөлге тең. Термодинамикалық тепе-тендік күйдегі жүйенің ішкі энергиясы температура мен сыртқы параметрлерге тәуелді. Мысалы, массасы тұрақты m қарапайым жүйенің ішкі энергиясы U абсолют температура мен V қолемге тәуелді.

$$U = \phi(V, T) = \phi(m, v, T) \quad (9.1.1)$$

Мұндағы, $v = V/m$ – жүйенің меншікті қолемі. (9.1.1) өрнегі қарапайым жүйенің калориялық тендеуі. Термодинамикада ішкі энергияның абсолюттік мәні емес, оның жүйе жұмыс істегендегі әртүрлі үрдістердегі өзгерісі есептеледі. Идеал газдар үшін ішкі энергия молекулалардың ретсіз (жылулық) қозғалысының энергияларының қосындысына тең. Жүйенің ішкі энергиясы әртүрлі үрдістердің нәтижесінде өзгеруі мүмкін. Мысалы, жүйеге жылу мөлшерін беру немесе жүйенің сыртқы құштерге қарсы жұмыс істеуінің салдарынан ішкі энергия өзгереді. Цилиндрдің ішіндегі газды поршеньді жылжытып сығатын болсақ, онда газдың температурасы көтеріліп ішкі энергиясы артады. Екінші жағынан жүйеге жылу мөлшерін беру арқылы температурасы мен ішкі энергиясын арттыруға болады. Қарастырып отырған жағдайда механикалық қозғалыстың энергиясы жылулық қозғалыстың энергиясына түрленеді. Энергияның сакталу заңы бойынша, жүйеге берілген жылу мөлшері δQ оның ішкі энергиясын dU өзгертуге және сыртқы құштерге қарсы δA жұмыс істеуіне жұмсалады. Яғни, термодинамиканың бірінші заңының дифференциалдық түрі төмендегідей түрде жазылады.

$$\delta Q = dU + \delta A \quad (9.1.2)$$


Ішкі энергияның кішкентай өсімшесінің dU және δA жазылуларының араларындағы айырмашылықтың (d немесе δ) терең физикалық мағынасы бар. Жүйенің ішкі энергиясы оның күйінің бірмәнділік функциясы болғандықтан, жүйе кез келген үрдістерден өту арқылы алғашқы күйіне келсе, онда оның ішкі энергиясының толық өзгерісі нөлге тең. Математикалық түрғыдан бұл тенденция төмендегідей өрнектеледі:

$$\oint dU = 0 \quad (9.1.3)$$

(9.1.3) шарты ішкі энергияның өзгерісінің dU толық дифференциал болатындығын қанағаттандырады. Жылу мөлшері мен элементар жұмыстың мұндағы қасиеттері жоқ. Сондықтан олар толық дифференциал бола алмайды. Егер жүйе алғашқы күйіне периодты түрде оралып отырса, ішкі энергияның өзгерісі нөлге тең. ($dU=0$) Термодинамиканың бірінші заңы мынадай болып түрленеді:

$$\delta Q = \delta A \quad (9.1.4)$$

Жүйеге берілген жылу толығынан жұмыс істеуге жұмсалады. Яғни, сырттан берілген жылудан артық периодты түрде жұмыс істейтін қозғағышты (мәңгі қозғағышты) жасау мүмкін емес. Көлемі өзгергендеңі қарапайым жүйенің істейтін жұмысын газдың ұлғаю немесе сығылу құбылыстарын пайдаланып тапқан өте ыңғайлыш. Газ салмағы ескерілмейтін ауданы S қозғалмалы поршенні бар цилиндрдің ішіндегі орналассын дөлік (9.1.1-сызба).



9.1.1-сызба. Цилиндрдің ішіндегі газдың жұмысы


Егер газ ұлғайып поршеньді өте кішкентай dx қашықтыққа қозгалтса, оның істейтін жұмысы мына формуламен есептеледі:

$$\delta A = F dx = p S dx = p dV \quad (9.1.5)$$

Мұндағы, $S dx = dV$ жүйенің көлемнің өзгерісі. Газдың қысымы $p > 0$ әрқашан он.

Сондықтан газ ұлғаю ($dV > 0$) үрдісінде он ($\delta A > 0$), ал сығылу үрдісінде ($dV < 0$) теріс ($\delta A < 0$) жұмыс істейді. (9.1.5) формуласын сұйықтар мен қатты денелерге қолдануға болады. Әртүрлі термодинамикалық үрдістерді бір-бірімен салыстырганда немесе зерттегендеге оларды диаграмма арқылы кескіндеген ыңғайлыш. Идеал газдың термодинамикалық құйі үш параметрмен (көлем, қысым, температура) сипатталады. Осы параметрлердің араларындағы тәуелділікті график арқылы кескіндеуді күйдің диаграммасы деп атайды. Кескінді үш өлшемді Р-В-Т координаталар диаграммасында түрғызу міндетті емес. Өйткені бұл үш параметр бір-бірімен қуй $PV=RT$ теңдеуімен байланысқандықтан, екі өлшемді диаграмма дененің қуйін толық сипаттайты. Кез келген үрдістің Р-В диаграммасын қарастырайық. Ордината осі қысымды, ал абсцисса осі көлемді өрнектесін. (9.1.2-сызба). Газдың қуйі Р, В, Т параметрлерінің қандай да бір мәндерінде

P-V диаграммасында 1 нүктесімен кескінделеді. 1-ші нүктенің орны барлық үш параметрмен анықталғандықтан, берілген күйдегі идеал газдың ішкі энергиясын U_1 , сипаттайтын



9.1.2-сұзба. Газдың P-V диаграммасы

Оқшауланған жүйедегі газ сырттан ешқандай жылу алмай жұмыс істесін дөлік. Газдың колемі dV үлғайғанда істелінетін элементар жұмыс ($\delta A = pdV$) сұзбада штрихталған фигураның ауданымен анықталады. Газ 1-ші күйден 2-ші күйге өткенде үлғаю жұмысы 1 2 3 4 фигурасының ауданына тең:

$$A = \int_1^2 pdV \quad (9.1.6)$$

Газдың 2-ші күйдегі ішкі энергиясы U_2 болса, энергияның сақталу заңы бойынша, газдың үлғаю А жұмысы оның ішкі энергиясының кемуінің есебінен істеледі:

$$A_{1,2} = -(U_2 - U_1) = U_1 - U_2 \quad (9.1.7)$$

1-ші күйден 2-ші күйге a жолымен өту δ жолымен өтумен салыстырғанда көп жылуды қажет етеді. (Артық жұмыс істелінеді). Қарастырып отырған екі жағдайда газдың бастапқы және соңғы күйлері бірдей. Бірінші күйде дененің жылуы көп деп айтуда болмайды. Денелердің жылулық қасиеттерін сипаттау үшін термодинамикада жылу сыйымдылық ұғымы кеңінен қолданылады. Денеге берілген жылу δQ мөлшерінің температуралық dT өзгеруінің қатынасына тең шаманы жылу сыйымдылық деп атайды. Теориялық есептеулер мен тәжірибелерден алынған нәтижелер денелердің жылу сыйымдылықтары оның химиялық құрамына, массасы мен термодинамикалық күйіне (мысалы, температураға) және берілген δQ жылулың әсерінен болатын күйдің өзгеру үрдісіне тәуелді екендігін көрсетті. Біртекті денелер үшін меншікті және молярлық жылу

сыйымдылықтарды пайдаланған қолайлы. Қарастырылып отырған термодинамикалық үрдісте заттың 1 кг массасының температурасын 1 К өзгертуге жұмсалған жылу мөлшерін меншікті жылу сыйымдылық деп атайды:

$$c = \delta Q / m dT \quad (9.1.8)$$

Молярлық масса – бір моль заттың мөлшерінің температурасын 1К өзгертуге жұмсалған жылу мөлшеріне тең шама:

$$C_m = Mc = \frac{M}{m} \cdot \frac{\delta Q}{dT} \quad (9.1.9)$$

Мұндағы, M – заттың молярлық массасы, c – заттың меншікті жылу сыйымдылығы. (9.1.9) формуласынан жылу мөлшерін табамыз:

$$\delta Q = \frac{m}{M} C_m dT \quad (9.1.10)$$

(9.1.10) формуласын пайдалансақ, термодинамиканың бірінші заңы бір моль зат үшін ($m/M=1$) тәмендегідей түрленеді:

$$C_m \cdot dT = dU_m + pdV_m \quad (9.1.11)$$

Егер газ тұрақты көлемде $V=\text{const}$ қыздырылса, (изохоралық үрдіс) сыртқы күштердің істейтін жұмысы нөлге тең. Яғни, газға берілген жылу толығымен ішкі энергияны арттыруға жұмсалады. $C_m \cdot dT = 0$ болғандықтан, термодинамиканың бірінші заңынан мына теңдік шығады:

$$\text{бұдан} \quad C_m \cdot dT = dU_m \quad C_V = \frac{dU_m}{dT} \quad (9.1.12)$$

Тұрақты көлемдегі газдың молярлық массасы 1 моль газдың температурасын 1K көтергенде ішкі энергияның өзгерісіне тең шама. (8.4.4) формуласынан мына теңдік шығады:

$$\begin{aligned} dU_m &= \frac{i}{2} R dT \\ \text{немесе} \quad C_V &= iR/2 \end{aligned} \quad (9.1.14)$$

Егер газ тұрақты қысымда $p=\text{const}$ қыздырылса, (изобаралық үрдіс) (9.1.11) өрнегі мынадай болып түрленеді:

$$C_p = \frac{dU}{dT} + p \frac{dV}{dT} \quad (9.1.15)$$

Идеал газдың ішкі энергиясы температураға ғана тәуелді және оның температура бойынша өзгерісі әрқашан C_V тең болатындығын ескерсек, төмөндегі тәндікті аламыз:

$$(PV_m = RT, pdV_m = RdT, R = pdV_m / dT)$$

$$C_p = C_V + R \quad (9.1.16)$$

(9.1.16) тәндігі Майер тәндідеуі деп аталаады. Ол тұрақты қысымдағы C_p жылу сыйымдылық тұрақты көлемдегі C_V жылу сыйымдылықтан универсал газ тұрақтысының шамасына артық екендігін көрсетеді. Бұл құбылыс изобаралық үрдісте газға берілген жылу мөлшері, газдың ішкі энергиясын өзгертуге ғана емес, сонымен қатар жұмыс істеуге жұмсалатындығымен түсіндіріледі. (9.1.14) тәндігін пайдаланып (9.1.15) өнергімен түрлендірейік:


$$C_p = \frac{i+2}{2} R \quad (9.1.17)$$

Термодинамикалық үрдістерді зерттегендеге әрбір газ үшін C_p ның C_V қатынасын білудің маңызы үлкен:

$$\gamma = C_p / C_V = (i+2)/i \quad (9.1.18)$$

(9.1.14) және (9.1.17) формулаларынан молярлық жылу сыйымдылықтар тек еркіндік дәрежесіне тәуелді екендігін көреміз. Яғни, температураға байланысты өзгермейді. Бұл тұжырымдама молекула-кинетикалық теорияда бір атомды газдар үшін үлкен температура аралығында дұрыс. Екі атомды газдарда еркіндік дәрежесі температураға тәуелді. Энергияның еркіндік дәрежелерімен үлестірілу заңы бойынша, бөлме температурасында $C_V = 7/2R$. Тәжірибе жүзінде алынған нәтижелерге сүйенсек, сутегінің тұрақты көлемдегі C_V молярлық жылу сыйымдылығы температураға байланысты өзгереді. Төменгі 50 К температурада $C_V = 3/2R$, бөлменің

температурасында $C_V = 5/2R$, (теориялық есептеулер бойынша $7/2R$) жоғарғы температурада $C_V = 7/2R$ (9.1.3-сызба).



9.1.3-сызба. Тұракты көлемдегі молярлық жылу сыйымдылықтың температураға тәуелділігі

Тұракты көлемдегі молярлық жылу сыйымдылықтың температураға байланысты артуы төменгі температурада молекулалардың тек ілгерімелі қозғалысымен, бөлме температурасында ілгерілімеліге айналмалы қозғалыстың қосылатындығымен, жоғары температурада ілгерілімелі, айналмалы және тербелмелі қозғалыстарының болуымен түсіндіріледі. Теорияның тәжірибемен сәйкес келмеуі жылулық қозғалыстың энергиясы тербелісті қоздыруға жеткіліксіздігінен жылу сыйымдылыққа өзінің үлесін қоса алмайтындығымен ұғындырылады. Газдарды қыздырудың және ұлғайтудың шарттарына байланысты жылу сыйымдылықтар әртүрлі мәндерді қабылдауы мүмкін. Жүйе қоршаған ортамен жылу алмаспаса ($\delta Q=0$ адиабаталық үрдіс) газдың жылу сыйымдылығы нөлге тең. Изотермалық үрдіс $dT=0$ болғандықтан, жылу сыйымдылық шексіздікке ұмтылады. Газдың ұлғайған кезде істейтін жұмысы, оған берілген жылудан артық болған жағдайда (температура төмендейді) жылу сыйымдылық теріс мәнді иеленеді. Теріс жылу сыйымдылықта өтетін үрдістер политропты үрдіске жатады. Жалпы жылу сыйымдылықтың мәні минус шексіздіктен плюс шексіздікке дейін өзгеруі мүмкін.


§ 9.2 Изоурдістер мен адиабаталық және политропты үрдістерге термодинамиканың бірінші заңының қолданылуы

Термодинамикалық жүйені сипаттайтын үш параметрдің қысымның p , көлемнің V , температуралың T біреуі тұрақты болғандағы өтетін үрдістерді

изоурдістер деп атайды. Изобаралық процестің ($p=\text{const}$) p - V диаграммасы V осіне параллель 1-2 түзуімен кескінделеді (9.2.1-сызба). Изобаралық үрдістің газдың ұлғаю жұмысы мына формуламен есептеледі:

$$A = \int_{V_1}^{V_2} p dV = p(V_2 - V_1) \quad (9.2.1)$$

Оның сан мәні штрихталған тік төртбұрыштың ауданына тең.



9.2.1-сызба. Изобаралық үрдістің диаграммасы


Екі күйге (1-ші және 2-ші) арнап Клайперон-Мендеев тендеуін жазайық: $pV_1 = \frac{m}{M} RT_1$, $pV_2 = \frac{m}{M} RT_2$ бұдан көлемнің өзгерісін табамыз $.V_2 - V_1 = \frac{m}{M} \frac{R(T_2 - T_1)}{p}$. Көлемдердің айырымын (9.2.1) формуласына қойсақ, мына тәндік шығады:

$$A = \frac{m}{M} \cdot R(T_2 - T_1) \quad (9.2.2)$$

Изобаралық үрдіс үшін термодинамиканың бірінші заңы төмендегідей түрленеді:

$$\delta Q = \frac{m}{M} C_p dT$$

Ішкі энергия $dU = \frac{m}{M} C_V dT$. Изотермалық үрдістің ($T=\text{const}$) p-V диаграммасы 9.2.2-сұзбада келтірілген.



9.2.2-сұзба. Изотермалық үрдістің диаграммасы

Изотермалық үрдістегі газдың жұмысын анықтайық:

$$\begin{aligned} A &= \int_{V_1}^{V_2} p dV = \left| pV = \frac{m}{M} RT, p = \frac{m}{V \cdot M} RT \right| = \int_{V_1}^{V_2} \frac{m}{V} \frac{RT}{M} dV = \\ &= RT \frac{m}{M} \ln \frac{V_2}{V_1} = RT \frac{m}{M} \ln \frac{p_1}{p_2} \end{aligned} \tag{9.2.3}$$

Гипербола мен абсцисса осінің арасындағы аудан сан жағынан изотермалық үрдісте істелетін жұмысқа тең. Температура тұрақты болғандықтан, ($dT=0$) ішкі энергия өзгермейді ($dU=0$). Яғни, жүйеге берілген жылу толығымен жұмысқа жұмсалады:

$$\delta Q = \delta A$$

Адиабаталық үрдісте жүйе мен қоршаған ортаның арасында жылу алмасу жоқ болғандықтан, $\delta Q=0$. Термодинамиканың бірінші заңын жазайық:

$$\delta Q = \delta A + dU \text{ немесе } \delta A + dU = 0 \text{ бұдан } \delta A = -dU \tag{9.2.4}$$

Сыртқы жұмыс ішкі энергияның кемуінің салдарынан істелінеді. (9.1.15), (9.1.12) өрнектерін пайдаланып (9.2.4) теңдігін түрлендірейік:

$$pdV = -\frac{m}{M} C_V dT \tag{9.2.5}$$

$$pV = \frac{m}{M} RT \text{ теңдеуін дифференциалдайық:}$$

$$pdV + Vdp = \frac{m}{M} R dT \quad (9.2.6)$$

(9.2.5) және (9.2.6) теңдеулерінен Т температураны шығарып тастасақ, мына қатынас алынады:

$$\frac{pdV + Vdp}{pdV} = -\frac{R}{C_V} = -\frac{C_p - C_V}{C_V}$$

Айнымалыларды бөліп $C_p/C_V = \gamma$ ескерсек, төмендегі қатынас

шығады:

$$\frac{dp}{p} = -\gamma \frac{dV}{V} \quad (9.2.7)$$

Тендікті интегралдаймыз:


$$\int_{P_1}^{P_2} \frac{dp}{p} = -\gamma \int_{V_1}^{V_2} \frac{dV}{V}, \frac{P_2}{P_1} = \left(\frac{V_1}{V_2}\right)^\gamma$$

бұдан $P_1 V_1^\gamma = P_2 V_2^\gamma$

немесе

$$PV^\gamma = const \quad (9.2.8)$$

(9.2.8) өрнегі адиабаталық үрдістің немесе *Пуассон теңдеуі* деп аталады. Күй диаграммасындағы адиабаталық үрдісті кескіндейтін сзықты адиабата деп атайды (9.2.3-сызба).



9.2.3-сызба. Адиабаталық үрдістің диаграммасы

Сызбадан $PV^\gamma = \text{const}$ адиабатасы $pV=\text{const}$ изотермадан құламалық екендігін көреміз. Өйткені адиабаталық сығылу 1-3 кезінде газдың қысымының артуы, изотермалық үрдістегідей көлемнің кішіреоіне ғана емес, сонымен қатар температураның жоғарылауына байланысты. Адиабаталық үрдісте штрихталған ауданмен өлшенетін жұмысты табу үшін (9.2.5) теңдігін интегралдаймыз:

$$A_{1-2} = \frac{m}{M} C_V (T_2 - T_1) \quad (9.2.9)$$

Майер теңдеуі мен (9.1.18) теңдіктерінен адиабатаның көрсеткішін анықтайық:

$$C_V = \frac{R}{\gamma - 1} \quad (9.2.10)$$

$$\text{Сондықтан } A_{1-2} = \frac{m}{M} \frac{R}{\gamma - 1} (T_2 - T_1) = \frac{P_1 V_1}{\gamma - 1} \left[1 - \frac{T_2}{T_1} \right] \quad (9.2.11)$$

$$\text{немесе } \frac{T_2}{T_1} = \left(\frac{V_1}{V_2} \right)^{\gamma-1} = \left(\frac{P_2}{P_1} \right)^{\frac{\gamma-1}{\gamma}}$$

Онда жұмыс мына формуламен есептеледі:

$$A_{1-2} = \frac{P_1 V_1}{\gamma - 1} \left[1 - \left(\frac{V_1}{V_2} \right)^{\gamma-1} \right] \quad (9.2.12)$$

Изотермалық және адиабаталық үрдістер практикалық тұрғыдан алуға болмайтын идеал үрдістерге жатады. Оларға тек жақындай аламыз. Изотермалық процесс өте баяу өтуі қажет. Адиабаталық үрдіс практикада алынбайтын жылу өткізгіштігі нөлге тең қабатта өте алады. Табигатта изотермалық және адиабаталық үрдістердің арасында жататын реалды үрдістер кездеседі. Мұндай үрдісті политропты процесс деп атайды. Пойтропты үрдісті анықтау үшін оған төмендегідей бір шектеу шартын қою қажет. Дененің температурасының көтерілуі оған берілген жылу мөлшеріне пропорционал немесе политропты үрдісте дененің жылу сыйымдылығы тұрақты:

$$\delta Q = C dT \quad (9.2.13)$$

Мұндағы, $C=\text{const}$. Идеал газ үшін политропты үрдісті қарастыру мақсатында термодинамиканың бірінші заңын пайдаланамыз:

$$CdT = C_V dT + pdV = C_V dT + BT \frac{dV}{V} = C_V dT + (C_p - C_V) T \frac{dV}{V} \quad (9.2.14)$$

Айнымалыларды бөлейік:

$$\frac{dT}{T} = \frac{C_p - C_V}{C - C_V} \cdot \frac{dV}{V} \quad \text{интегралдағаннан соң тәменгі өрнек шығады:}$$

$$\frac{C_p - C_V}{C - C_V} = n - 1 \quad (9.2.15)$$

$$T \cdot V^{\frac{C_p - C_V}{C - C_V}} = \text{const} \quad (9.2.16)$$

белгілесек, (9.2.15) формуласы мынадай болып түрленеді:

$$TV^{n-1} = \text{const} \quad (9.2.17)$$

Идеал газдар үшін политропты теңдеу шықты. Пуассон теңдеуіне ұқсас политропты үрдістің басқа екі теңдеуін алуға болады:

$$T^n p^{1-n} = \text{const} \quad (9.2.18)$$

$$PV^n = \text{const} \quad (9.2.19)$$

Адиабаталық және изотермалық үрдістер политропты үрдістің шекті жағдайы ретінде қарастырылады. Шындығында, адиабаталық үрдісте $C=0$ болғандықтан, (9.2.16) қатынасынан мына қатынас алынады:

$$n = C_p / C_V = \gamma \quad (9.2.20)$$

Изотермалық үрдісте $C = \infty$ мәнін (9.2.16) қатынасына қойып, анықталмағандықты ашсақ, $n=1$ теңдігін аламыз. Олай болса, реалды үрдістер үшін төменде келтірілген теңсіздіктің орындалуы керек:

$$1 < n < \gamma$$

Изобаралық және изотермалық үрдістер, политропты үрдістің дербес жағдайы ретінде қарастырылады. (9.2.19) теңдеуін мынадай түрде жазайық:

$$Vp^{\frac{1}{n}} - V \cdot P^{\frac{C_v - C}{C_p - C}} \quad (9.2.21)$$

$C = C_V$ деп алсақ, $V = \text{const}$ изохоралық үрдістің теңдеуін ($n = \pm\infty$)

аламыз.


$C = C_p$ болғанда, $p = \text{const}$ изобаралық үрдістің теңдеуі ($n=0$) шығады.

§ 9.3. Қайтымды және қайтымсыз жылулық үрдістер.

Айналмалы үрдіс немесе циклдер

Термодинамикалық үрдістің нәтижесінде жүйе А күйден В күйге өтіп, қайтадан бастапқы А күйіне оралсын делік. Егер В күйден А күйге (кері) өту қоршаған ортаны өзгертпей А дан Вға өткенде аралық күйлер арқылы өтсе, үрдіс қайтымды деп аталады. Егер жүйеде В күйден А күйге өту қоршаған ортаны өзгертсе, күйдің А дан Вға өтуін қайтымсыз үрдіс өту деп атайды. Үйкеліспен қосақтастып жүретін кез келген үрдіс қайтымсыз, өйткені үйкеліс кезінде істелінетін жұмыстың бір бөлігі жылуға жұмсалады. Үйкелетін беттер қызып, жылу қоршаған ортаға тарапады. Қоршаған ортада жылу процесінің ізі қалатындықтан, қызу үрдісі қайтымсыз үрдіс болып табылады. Барлық шынайы механикалық үрдістерге үйкелісің қатысы бар. Сондықтан олар қайтымсыз үрдістер ретінде қарастырылады. Үйкеліссіз консервативті жүйеде өтетін идеал үрдістерді қайтымды үрдістерге жатқызуға болады. Мысалы, ұзын созылмайтын жілкө ілінген салмағы ауыр маятниктің қозғалысында кинетикалық энергия потенциалдық энергияға толық айналып, ортаның үйкеліс күшінің аздығынан тербелістің амплитудасы кемімей ұзақ уақыт тербелетіндіктен, онда өтетін құбылысты қайтымды үрдіске жақын деп қарастырады. Құрыштан жасалған шариктің горизонталь бетке құлап онымен серпімді соқтығысуы қайтымды үрдіске жақындейді. Өйткені шарик қандай биіктіктен құласа, соқтығысқаннан соң сондай биіктікке көтеріледі деп есептеледі. Негұрлым шарикпен горизонталь беттің серпімділігі қөп болса, соғұрлым үрдіс қайтымды үрдіске жақын деп алынады. Температурасы жоғары денеден температурасы төмен денеге жылудың берілуі қайтымсыз үрдіс. Себебі температурасы төмен денеден температурасы жоғары денеге жылу берілмейді. Бұл үрдістің іске асырылуы үшін қосымша жұмыс істелінуі қажет. Олай болса, барлық шынайы үрдістер қайтымсыз үрдістерге жатады. Бірақ олардың қайтымсыздық дәрежелері әртүрлі болуы мүмкін. Егер дене А күйден В

күйге өтіп, содан соң көптеген құйлар арқылы бастапқы А күйіне оралса, онда айналмалы үрдіс немесе цикл жасалды деп есептеледі. Айналмалы үрдіс қайтымды болуы үшін оның барлық бөліктері қайтымды болуы қажет. Егер оның қандай да бір бөлігі қайтымсыз болса, онда барлық үрдіс қайтымсыз болады. Р - V диаграммасында цикл түйік сзықпен кескінделген (9.3.1-сызба).



9.3.1-сызба. Айналмалы үрдістің диаграммасы

Идеал газдың жасайтын циклі үлғаю (A-B) және сығылу (B-A) үрдістерінен тұрады. Үлғаю және сығылу жұмыстары $AaV_2V_1A, BbAV_1V_2B$ фигуralарының аудандарымен анықталады. Үлғаю жұмысы ($dV > 0$) оң, ал сығылу жұмысы ($dV < 0$) теріс мәнді қабылдайды. Бір цикл жасалынғандағы жұмыс қисықтармен шектелген ауданға тең. Егер бір цикл жасалынғандағы жұмыс $\oint pdV > 0$ болса (a), (цикл сағат тілінің бағыттымен өтеді) тік, ал $\oint pdV < 0$ болса (a', цикл сағат тіліне қарсы бағытта өтеді) кері цикл деп аталады. Тік цикл сырттан жылу алу арқылы жұмыс істейтін периодты әсер ететін жылу қозғаыштарында қолданылады. Кері цикл мұздатқыш машиналарында сыртқы күштердің жұмысының арқасында жылу температурасы жоғары денелерге берілетін периодты әсер ететін қондырыларда пайдаланылады. Айналмалы үрдістің нәтижесінде жүйе бастапқы күйге оралатындықтан, оның ішкі энергиясының толық өзгерісі нөлге тең. Сондықтан термодинамиканың бірінші заңы мынандай түрде жазылады:

$$Q = \Delta U + A = A \quad (9.3.1)$$

Бір циклда орындалатын жұмыс сырттан алынған жылу мөлшеріне тең. Бір циклда орындалатын жұмыс сырттан алынған жылу мөлшерін қабылдаумен қатар Айналмалы үрдістің нәтижесінде жүйе жылу мөлшерін қабылдаумен беретіндіктен:

$$Q = Q_1 - Q_2 \quad (9.3.2)$$

Мұндағы, Q_1 - жүйеге берілген, Q_2 - жүйеден алынған жылу мөлшерлері. Айналмалы үрдіс үшін жылулық пайдалы әсер коэффиценті мынаған тең:

$$\eta = \frac{A}{Q_1} = \frac{Q_1 - Q_2}{Q_1} = 1 - \frac{Q_2}{Q_1} \quad (9.3.3)$$

Техникалық және жылу машиналарының термодинамикасында кеңінен қолданылатын Карно енгізген айналмалы үрдістер әдісі термодинамиканың дамуына үлкен үлесін қосты.